



ZLATKO MILETIĆ

*Dom naroda Parlamentarne skupštine BiH
Klub izaslanika hrvatskog naroda*

Sarajevo, 27.03.2023. godine

PARLAMENTARNA SKUPŠTINA BiH
DOM NARODA
n/r: g. Nikola Špirić, predsjedatelj

BOSNA I HERCEGOVINA
PARLAMENTARNA SKUPŠTINA BOSNE I HERCEGOVIN.
SARAJEVO

PRIMLJENO: 27-03-2023			
Organizaciona jedinica	Klasifikaciona oznaka	Redni broj	Broj priloga
01-10-6-16-3/13			10 ¹⁰

Na osnovu člana/članka 154. i 155. Poslovnika o radu Doma naroda Parlamentarne skupštine Bosne i Hercegovine („Službeni glasnik BiH“, br.58/14, 88/15 i 96/15) postavljam slijedeće

IZASLANIČKO PITANJE

Imajući u vidu činjenicu da institucije BiH, imaju namjeru da realiziraju određene hidro – energetske projekte u narednom periodu, te da organizuju susrete sa vladama susjednih zemalja, pitam Predsjedništvo BiH, Vijeće ministara BiH - nadležno Ministarstvo vanjske trgovine i ekonomskih odnosa BiH i Ministarstvo vanjskih poslova BiH, **da li će kroz ratifikaciju Sporazuma o izgradnji hidro-energetskih potencijala, tražiti vraćanje duga odnosno regulaciju odnosa za korištenje prirodnih vodnih resursa BiH od R Srbije i R Hrvatske**, te da li će ova tema biti dio razgovora na planiranim susretima.

Naime, od 1955 g. HE ZVORNIK (49,8 % potencijal BiH) koristi bez naknade vodne potencijale BiH pune 64 godine (izgradila R Srbija) a od 1966.g. HE BAJNA BAŠTA (67 % potencijal BiH) koristi 53 godine. Iako su obaveze nadoknade, rješene još Zakonom iz 1974.g. O MEĐUREPULIČKIM I MEĐUDRŽAVNIM VODAMA U SFRJ, nadoknada za najmanje 37 % sliva rijeke Drine ili 1.200 MWh godišnje odnosno 80.000 GWh, je ukupna je šteta nanescena BiH (što je 8 godišnjih potreba BiH). Ako preračunamo u novac, sa prosječnom cjenom od 65 eura po MWh, ukupna šteta je oko 5,4 MRLD eura ili na godišnjem nivou 104 mil eura.

Kada je u pitanju korištenje vodnih potencijala od strane R Hrvatske, situacija je slična. Naime, HE BUŠKO JEZERO od 1974 g. koristi vodne potencijale odnosno oko 40 godina, iako HEP sada plaća naknadu za korištenje vodnih potencijala na osnovu Odluke Parlamenta FBiH sa

dosadašnjih 1,8 mil eura, trenutno 4,3 mil eura godišnje, bitno je napomenuti, da je realna cijena nadoknade, najmanje 20,5 mil eura na godišnjem nivou za korištenje iste, od strane RH na HE ORLOVAC i još 3 HE ĐALE, KRALJEVAC I ZAKUĆAC (proizvodnja u prosjeku godišnja oko 360.000 MWh) .

Također, interesantna je zloupotreba vode sa HE TREBIŠNICA od strane HE DUBROVNIK na godišnjem nivou oko 20 mil eura štete godišnje. Ukupna dugovanja za sve godine od strane R Hrvatske su oko 660 mil eura od čega 550 mil eura otpada na HE BUŠKO JEZERO i navedene 3 HE.

GODIŠNJI NIVO ŠTETE PO BIH JE: 140 mil eura

Oko 105 mil eura R Srbija godišnje ukupno 5,6 MRLD eura zaključno sa 2022.g.

Oko 35 mil eura R Hrvatska godišnje ukupno 1,4 MRLD eura zaključno sa 2022.g.

ukupno 7,0 MRLD eura

Pitanje postavljam, Predsjedništvu BiH, Vijeću ministara Bosne i Hercegovine - nadležnom ministru Ministarstva vanjske trgovine i ekonomskih odnosa BiH i ministru Ministarstva vanjskih poslova BiH. Molim odgovor u pisanoj formi.

S poštovanjem

ZLATKO MILETIĆ